



Шошо эл, порымук да гыш берр!

16-шо (3300) №,
2017 ий 15 апрель,
шуматкече.

ЯМДЕЛИЙ

1933 ий 1 февраль годсек лектеш.

0+



Авторын фотожо.

Шырчыкым вашийына

Шошо каникул жапыште Морко районысо Арын школын тунемшыже-влак шырчык омартам ыштеныт.

Кö пöрт ончылсо пушенгышке, кö кужу варашке сакалненыт. Икмынар шырчык омартам школышкат конденыт. Иоча-влак школна йыр шындыме пушенгылаш кажне шошым шырчык омартам сакалтат. Эдита Александрова (2-шо кл.), Анастасия Новикова (1-ше кл.) да Арина Федорова (1-ше кл.) **(снимкыште)** кайык пöртым качашт да ачашт дене пырля ыштеныт. Нуным шочмо ялыштышт Совет Ушем Герой В.И.Соловьевын шарнымаш онгаже воктене кушто кузлашке сакалненыт. «Тек Василий Ивановичын чонжым шырчык-влак шке чечен мурышт дене куандарат», – ойлат удыр-влак.
Ю.А.СЕМЕНОВА.

Шошо толын
Spring толын,
spring толын,
Йорга *water* йогалеш.
Малыше *animal* кынелеш,
Bird мураш тўналеш.
Тидым ужын, *children*-влак
«*Hurrah!*» манын кычкырат.



Вара *together* погынат,
Funny мурым муралтат.
Чыла *around* илана,
Nature ужаргал шога.
The Sun куанен онча,
People чоным модыкта.
Эмилия АЛЕКСАНДРОВА.
Морко, Коркатово.

Англичан
мут-влакым марий йылмыш
кусарыза.

Корнышто
шекланьза!
Идалык
тўналтын гыч
Марий Элыште
25 йоча ДТП-ш
логалын. Кок
йоча колен,
коло кумытын
эмганеныт.

Т.Евсеев лўмеш
национальный
тоштерыште
марий поэт, про-
заик да кусарыше
Чалай Васлийын
(Чегеев) шочмыж-
лан 100 ий темме
лўмеш «Мыйын
йбратыме элем»
выставке почыл-
тын.

22 апрельыште
С.Г.Чавайн
лўмеш нацио-
нальный библио-
текыште
«Библионочь»
акций эрта.
Темыже –
«Новое
прочтение».

«Ямде
лийлан»
возалт!

Увер
выр-
выр



Палыме лийза



Россий Президент Владимир Владимирович ПУТИНЫН 6 апрельште лукмо пунчалже почеш Марий Эл Республикым жаплан вуйлаташ Александр Александрович ЕВСТИФЕЕВЛАН ўшаныме.

«Ямде лийын» чап онаже

Морко район Коркатово лицейште 9-ше «А» классыште тунемше Мария ДЕМЕНЬТЕВА

Сайын тунемеш, волонтер. Районысо олимпиадыште руш литератур, химий, биологий, экологий предметла дене танасен: сенгыше да призёр лийын. Химий дене республикысе олимпиадыште I верым сенен налын. «День моля» республикысе конкурсышто команде дене икымше лийыныт. «Самырык лидер», «Наукышко икымше ошкылем» конкурслашке ушнен. «Калейдоскоп» эстраде муро район конкурсышто ансамбль дене кокымшо лийыныт, шкетын мурымаште III вер дене палемдалтын.



Тау, тау, тау!

Поэтессе Зоя Михайловна Дудиналан «Ямде лий» газетлан подпискым ыштен пуымыжлан кугу таум ойлена.

«Поро кече, «Ямде лий»! – тыге ойлена ме, Летник школышто тунемше-влак. Ме уло кумылын марла йоча газетым лудына. Онай заметкым, почеламутым кружокышто лончылена. Республикнан түрлө районжо гыч возышо йоча-влакын пашашт дене палыме лийына. Тыге мемнанат возаш кумылна лектеш. Ончыкыжымат газет дене кылым кучаш сөрена.

В.Д.ТАНИКЕЕВА да йоча-влак. Шернур район.

Марий КВН

Школыштына 10-11-ше класслаште тунемше ўдыр-рвезе-влаклан марий КВН эртыш. Нуно онай йодыш-влаклан вашештеныт, мыскара сценкым модын ончыктеныт. 11-ше классыште тунемше-влак сенгышыш лектыныт.

Л.А.ЯНГАБЫШЕВА. У Торъял, Тошто Торъял.

Кугу кросс

Школыштына кажне ийын «Тазалык кечым» эртарена. Тений «Весела старт» модыш пеш келшен. 6-7-ше класслаште тунемше-влак пионерболла, кугурак-влак волейболла модыныт. 7 апрельыште кугу кросс лийын. 2-4-ше класслаште тунемше-влак коклаште Ольга Бокова ден Данил Белков чылам ончылтеныт. Надя Силантьева ден Илья Константинов кугурак классла коклаште сенгышыш лектыныт.

Анатолий АЛЕКСАНДРОВ. Морко, Шўргыял.



Йоратыме пагытем

Йоратыме пагытем – шошо. Мыланем кайык муро, икымше шошо пеледыш-влак келшат. Левырак игече годым кенез толмыла чучеш. Шошым чўчкыдын пўртўсышкў лектына. Тўрлў модыш дене модына, кайык мурым колыштына.

Надя ГРЯЗЕВА, 10-шо «Б» класс. Йошкар-Ола, 21-ше №-ан школ.



Апрель йолагайым огеш йоратыме.

Еш олимпиаде

Сайлыме права дене «Папа, мама, я – избирателей семья» еш олимпиаде школыштына эртыш. Кажне командыште кок ен лийын: йоча да тудын ачаже але аваже.

Маршрутан кагаз почеш түрлў этапым эрташ кўлын. Кажне вере законом, правам палымаш тергалтын. Мый тангасымашке авам дене пырля ушненам. Олимпиадылан ямдылалтынна гынат, сайлымаш кампаний нерген шуко ум пален налынам.

Евгений ВАСИЛЬЕВ, 6-шо «А» класс. 2-шо №-ан Медведево школ.





Сенгышылан корно – «Артекъш»

«Омса вес велне» «Мирон кугызан ойлымыжо»: «Эренер» «Чодыраште» – «Томаша». «Акырсаман» огыл гын? «Якшывай» «Мыйын упшем» налын, но «Минюка» (мйнь уке) манеш. «Миша-артиллерист» «Парашют» дене тӧрштыш. «Мичун уке ачажат», «Конга» воктене «Пӧрткайык шӱм» гай чытырен шинчыш».



Марий сылнымутан произведений-влакын вуймутлаштым кучылтын, теат тыге возаш тӧчен авторыштым палыза.

Нине произведенийла, а южышт гыч ужаш-влак «Живая классика» всероссийский конкурсын республикысе этапыштыже йонгышт. Рӱдола да 12 район гыч 14 ӱдыр-рвезе пеш сылнын лудыч.

Марла лудшо-влак коклаште **Даниил Кораблёв** (Йошкар-Ола, 14-ше гимназий), **Даниил Веткин** (Национальный президент шк.-инт.), **Элина Николаева** (Морко, Энерсола) сенгышыш лектыч.



Руш да йот писатель-влакын сылнымутыштым лудмашке 41 тунемше ушныш. Марий Элын чапшым Российысе тагасымаште **Дима Яковлев** (Марий Турек, Карлыган), **Настя Егорова** (Волжск олесе 6-шо №-ан шк.), **Софья Логинова** («Синяя птица» гимназий) аралаш тӱналыт. Конкурс «Артек» йоча рӱдериште майыште лиеш.

Л.ГРИГОРЬЕВА.

Марий Эл Республикысе тӱрлӧ школысо 5-11-ше класслаште тунемше, марий йылмым да литературым туныктышо, студент-влак погынышт. «Волгыдо олык тӱрыштӧ» сборникын презентацийже лие. Книгашке ӱмаште семинарыште лийше йоча да студент-влакын сылнымутыштым пуртымо. Самырык поэт Игорь Попов тунемше-влаклан почеламутым чын возымо шотышто мастер-классым эртарыш (снимкыште).

Сылнымут аланыште



Марий кугыжаныш университет «Мастарлык йолгорно» семинарым кокымшо гана эртарен.

28 апрельште Йошкар-Олаште «Ший талешке» республикысе фестивалын иктешлыше этапше лиеш. Тудо I Марий Погынын делегатше-влаклан да чапланыше марий ӱдырамаш-шамычлан пӧлеклалтеш.



РЕВОЛЮЦИЙ ДЕЧ ОНЧЫЧСО МАРИЙ

ушнымыж нерген очеркым возен. Тудым 1873 ийыште «Известия по Казанской епархии» журналеш савыктеныт. И.Моляров марла ойлымашымат ятыр возен улмаш. Сборникшылан Руш географический обществе эсогыл ший медальым пуэн. Пеш шуко легендым, преданийым поген.

Моляров Иван Яковлевич (1843-1910). Педагог-просветитель, историк-краевед. Курыкмарий вел Сиухино ялеш шочын. Ешыже йорло улмашат, вес яллаште кӱтӱм кӱтен, Юлышто чодырам волтымаште тыршен. Тыгодым шке гыч лудаш-возаш тунемын, мӧнгӧ толмыж годым ялысе икшыве-влакым грамотлан яра туныктен. Кузнецово селаште школым почмеке, И.Я.Моляров тушто туныкташ тӱналын (1869). Педагог-просветитель семын тыршымыжлан «За усердие» медаль дене палемдалтын (1886). Марий йоча-влаклан руш йылмым туныкташ учебникым ямдылен (1887). Марий калыкын Руш кугыжанышыш

И.Н.Смирнов, Озан университетын профессоржо, тудым шочмо калыкын эртыше жапшым палаш тыршыше первый марийлан шотлен.

Мер Канаш ден «Ямде лий» газетын увертарыме викторинылан вашмутым 2017 ий 20 май марте редакцийышке колтыман. Сенгыше-влакым 1 июньшто саламлена.



Шернур район Кукнур школышто марий калыкын илыш-йўлажым, мурсем ден куштymашжым, ойпогыжым шымлыме да арален кодымо пашалан кугу тўткылыкым ойырат. Ангелина Актуганова марий йылмым да литературым туныктышо Нина Леонидовна Ялтаеван полшымыж дене «Шочшо азам ача-ава суртышто вашлиймаш» йўлам шымлен, рефератым возен. Шымлыме пашаж дене «Кугезе вож» фестивалыште сенгышыш лектын.



ЧОННА ПОЯН ЛЕШ



М.СКОБЕЛЕВЫН фотожо.

Ты йўлам Катя Веткина, Павел Актуганов да Кукнур селасе тўвыра рўдерын художественный вуйлатышыже Нелли Петровна Тойшева (**снимкыште**) «Кугезе вож» республикысе йоча фольклор фестивалыште модын ончыктеныт. Лауреат лийыныт.

– Школ ден тўвыра рўдер коклаште кылна пеш пенгыде, – оила Н.П.Тойшева. – Тунемше-влак марий калыкын шорыкым тўредме, кепшылым руымо, кресачам, кресавам шогалтыме да моло йўлам шымленыт. Туныктышо-влак ты шотышто кугу пашам шуктат. Тўвыра пашаен-влак нунылан кертмына семын полшена. **Л.ГРИГОРЬЕВА.**


Ангелина Ананур, Купсола ялласе шонгыен-влак деч тебе мом пален налын:

- ✓ азам суртышто вашлияш чесым погеныт: эрдене киндым пыштеныт, шыл шўрым, пучымышым шолтеныт, туарам, салмамуным ыштеныт;
- ✓ икшывым налаш кайышылан котомкашкыже кинде шултышым, эрге азалан ачажын тувыржым, ўдырлан аважын шовычшым пыштеныт;
- ✓ азам суртыш пуртымеке, йоча ласка лийже, ынже шорт, шинча ынже воч манын, вигак конгамбаке але ўстембаке пыштеныт;
- ✓ сортам чўктен, Юмылан пелештеныт. Вара шепкам сакеныт. Вуй ўмбаке, осал деч арален, кинде шултышым але вашкўзым веранденыт;
- ✓ азам шепкашке лач пурла велым веле пышташ шўденит.

Пайрем кечын эрдене эрак ўдырем да эргым дене пырля муным чиял-тена, когылым кўэштына. Когыльо кўргышкў тўрлў арверым пыштена. Тидлан мыйым ковам туныктен. Мутлан, когылым кочмо годым кўлан окса логалеш – тудо ий мучко поян леш. Кагаз логалеш гын – ий мучко чот тунемаш перна. Шинчал логалеш – идалык мучко осал койыш деч от утло. Шўч гын – куштылго капкылан лият.

И.Н.СЕМЕНОВА.

Медведево, Новый.



Кугезынан пайремже веле когыл, модыш йўлажат ске сынан да ойыртемалтше. «Марий сьлнымут садвечыште» кружокыш коштшо йоча-влак (**снимкыште**) «Кугезе вож» районысо фестиваль-конкурсшто марий модыш-влак дене палдарышт. «Чажо панга Миколи», «Йыдалым пўрдыктылмаш», «Модыш мундыра» йоча-влаклан поснак келшеныт. Самырык тукым кугезе йўлам пален кушкеш гын, койыш-шоктышыжо поремеш, виян леш.

**Е.В.ГРИГОРЬЕВА,
кружок вуйлатыше.**

Морко, Шўргыял.



Марий модыш



Чодырамаке - купальница

Пелед шогалме татым шотыш налын,
 Вераңза, кушкыл-шамыч, почела.
 Вер ончыл папашудылан логалын.
 Ужам: чодырамаке мучашла.




Книга комышто - Медведево районысо
 Руэм школн тунемшыже
 Арслан СМИРНОВЫН сјретше.

Газетым Печать да массовый коммуни-
 муникаций шотышто федеральный агентствын
 финанс полышыж дене лукмо.



Аркадий ФЁДОРОВ
 (Чавайнур Аркалий)



Пеледыш тўня

Сөрем кияк - осока

Коклан чодыраште вончаш перна купым.
 Лўнга... Шекланен тошкалат шудо тупым -
 Ёшанле, ок воло - пуэн возын «тупым».
 «Сөрем кияк», - теве кузе манит тудым.



Кына соқырнуж - яснотка

Лышташын тўсшө почкалтышын гае.
 Йөршеш ок когарте, садлан соқырнуж.
 Шочеш чодыраште, коремыште сайын,
 А вот ошман верыште тудым от уж.



6

Сандал - ландыш

Вўдшор пагыт эртыш, сандалын куан -
 Пытен лум шулен чодыраште.
 Тудлан вашкыман да пеледын шуман -
 Лышташ шарлымеш парчалаште.



Кукувуй - хохлатка плотная

«Молан кукувуй пеледыш кок тўсан -
 Йошкарге да канде - ом пале.
 Но тудо мотор веле огыл, мўян», -
 Манылдале Мику, шыргыжале.



3



*Кунам түзланен
пеледапт шогалаш –
Пала каже кушкыл
шке Жапшыл.
Радамыл огеш лий
тудлан пужгалаш –
Ок башке,
вуча эркин татшыл.
Автор.*

Папашудо – мать-и-мачеха

Эрнен веле шуо
лум деч корем сер,
Шогале пелед
папашудо.
Пеледыш кокла гыч
тудлан –
ончыл вер,
Огеш лүд
ош покшым деч
тудо.



2


Пасу окашудо – ярутка полевая



Пасу окашудо –
тушман
шурнывечын.
Кум тукымым тудо
шара лум толмеш.
От лий тыгай түлө –
йомат түня дечын.
Вара мо шочеш
эрла тудын олмеш?

Кишкышинча – фиалка

Пеледыш лышташ
оңай кишкышинчан,
Шем-кандын коеш
күшыл мужыр.
Йымалысе лышташ
ош-канде түсан,
А нарынче шкет –
уке мужыр.



7

Кишкыйылме – гусиный лук



Топланыше нурым айлен
кишкыйылме:
Изи шоган вож,
ужар име –
лышташ.
Тугай шуэш жап –
ага паша йыле,
Тумарте күлеш
нөшмым
мландыш пышташ.

Түкышудо – калужница болотная

Талыка верлаште
вүд шуо ырен,
Ужава-влак
палат карышашым.
Түкышудо шогале
коклашкышт пурен,
Рүзалталын
пеледыш аршашым.



4


Күдыронгыр – сон-трава



О күдыронгыр!
Коеш оңгыр семын.
Шочыт түшкан,
лучко вурго
ик вожышто.
Сылне пеледыш
нөлта кумылемым.
Ит логал! Кушшо
пүнчер пушан
жужышто.

Шөршудо – одуванчик

Тиде шудо эн чулым
йомартле түняште,
Мардежеш кечалтын
кертеш чонештен.
Парашютист-нөшмө
чоша гүл кавашке,
Волымеке
колта веле
вожшым,
шытен.



5

Марий төра-влак шемер калыкым вуйлатен иленят. Калык нуным пагален да кызытат пеш күкшүн акла. А кө пала, ожно кугезына-влак шкеныштын төрашт-шамычым кузе лүмденят, могай нунын чаплүмышт лийын?

ЛУЖА (шүдөвуй). XIII-XVIII курымлаште лужа-влак «шүдө» манме кугу йырвелым вуйлатеныт. Нуно шке кундемыштышт шүдө сарзым поген, сөйыш вуден нангайышаш улыт улмаш. Тыгак йозакым толен коштыныт да, иктаж-мыняр ужашыжым шкаланышт кодымек, молыжым кугыжанышлан пуэныт.

Ожнысо марий төра лүм

КУГЫЗА (кугуза). Марла гыч рушлашке кусараш гын – «великий хозяин». «Вождь», «старейшина», «князь» чаплүм-влак дене иктак, манаш лиеш. Вүтла марий-влак XIII-XV курымлаште вуйлатышышт-влакым лүмденят. Нунын коклаште - Кай, Коджа-Яралтем, Ош Пондаш, Кельдыбек. «Кугыза» мут «старейшина» олмеш моло марий кундемыштат кучылталтын. «Кугыза» мут вараже «кугыжа» титулыш (рушлаже - «царь») савырнен шинчын. Кызыт «кугыза» - эн ондак тиде коча, шонгыен, кугу чүчү. Туге гынат ожнысо кыша тиде мутышто кодын, вет кугун пагалыме илалшырак пörьеным гына ме кугыза манына.



КУГУ ег, кугырак. «Кугыза» чаплүм дене иктак. Чотракше олыкмарий да виче марий-влак коклаште шарлен. Тошто ой почеш Чумбылатын чаплүмжө тыгай лийын.

ОН. Очыни, тюрк калык-влакын йылмышт гыч куснен. Изииш вашталт толын, «хан» («кан», «каан») чаплүм гыч лийын. Ханствын вуйлатышыже деч посна марий-влак южгунам шке кугызаштым тыге маныныт. Мутлан, Түкан (Шуран) Шур он-төра маналтын, тудлан сукалтыше моло вуйлатыше-влак (Петеган, Штрек, Олдыган, Долгоза да молат) изи он лийыныт. Тугак марий юмын-йўла почеш түрлө водыжым тыге манят (мутлан, вудон). Южо шанчызе «он» мутым марий йылме гыч толын манын умылтараш төча. «Он» мутвожым нуно «ончыл», «ончаш», «ондак», «онар», «оньо», «онг» («онг») мутлаште ужыт.

ЛУВУЙ. Изирак вуйлатыше-влакын чаплүмышт. Тиде мут Шортньö Орда жапыште шарлаш тўналын. Рушлаже - «десятник». Лувуй изи йырвелым вуйлатен шоген. Эн ондак тудо лужан тўн полышкалышыже лийын.

Лужалан икмыняр лувуй пашам виктараш полшен.

ЛУЖАВУЙ. Лужа-влакын вуйлатышыже («великий князь» чаплүм гай, манаш лиеш). Мутлан, Акпарс тыглай лужа лийын огыл, моло кугыза-влак дене тагастарымаште тудо күкшырак верым налын шоген. Тудым курыкмарий лужа-влак (Аказ, Ковяж, Яныгит да молат), иквереш кагашен, пырля пашам виктарашлан көра сайленыт. Тыгай марий төра-влакым руш-влак «сотный князь» манын лүмденят.

ТОРКАН. Рушлаже – «тархан». Тюрк калык-влакын йылмышт гыч куснен. Торкан-влак – тиде кугыжаныш пунчал почеш йозак деч утарен кодымо кугыжаныш сомылчалче-влак. Ончычрак хан верч, вараже руш кугыжа верч сар сомылым шуктеныт. Южгунам торкан чаплүмым лужа-влакын пуэненыт. Мутлан, Тутай лужа торкан лийын, руш кугыжаныш тудлан Изии Ошла энгер воктенысе кугу пасум пöлеклен. Кумшо Черемис сар годым (1581-1585 ийлаште) Тутай лужавуй лийын, руш кугыжа ваштареш кучедалын. Вараже тудым пуштыныт, шүдыштыжö Чарла олам шынденят, пасуштыжо Торкан (Тарханово) ялым негызленят. Тиде ялыште (тунам Чарла ола деч ныл менге тораште) XVIII курым марте марий торкан-влак иленыт.

ПАТЫР. Тиде чаплүмат тюрк калык-влакын йылмышт гыч шындаларт толын. «Багатур» («батур», «баатар») чаплүм гыч лектын. Рушлаже – «богатырь», «черемисский воевода». Шортньö Ордаште да Озан ханствыште марий патыр-влак талешке койышыштан көра кугу вуйлатыше (хан, эмир, бей, мурза) пелен лийыныт, сарзе-влакын мастарлыкыштым шуараш полшеныт, сар годым арвылым шке почешышт вуденыт.

С.К.СВЕЧНИКОВ,
историй науко кандидат.
Ф.ЛЕБЕДЕВАН сўретше.

Кудывечыште



Икшыве-влак шошо толмылан могай чот куаненыт! Икымше пеледышым Волжский районысо Пӧтъял йочасадыш коштшо-влак (**кӱшыл снимкыште**), тӱрлӧ шукшым, копшангым, трайым Йошкар-Оласе 80-ше №-ан йочасадыш коштшо-влак (**ӱыл снимкыште**) шымлен ончат. Лыве гай чонештыл модыт.



«Ямде лий» газетым почтыш шке миен налыда гын, ак - 282 тенге. Почталъон конден пуа гын, ак - 298 тенгеат 80 ыр. **Индекс - П4696.**

«Ямде лийым» «Почта России» каталогышто муыда.

Подпискым редакций гоч ыштыше-влак ак - 150 тенге.

К

1			С	
2			П	
3			О	
	4		Р	
5			Т	
6			С	
7			М	
8			Е	
9			Н	

1. Ийын тагасымашым эрта-рым вер. 2. Кугу сенымашыш шушо спортсмен. 3. Тӱшкан куржталмаш. 4. Велосипед дене кудалышт тагасыме вер. 5. Мече дене модмаш. 6. Кышкыме спорт снаряд. 7. Кучедалмашын ик видше. 8. Спортсменын наставникше. 9. Санкт-Петербургысо футбол команде.

Илья ТОЛСТЕНКО.
Куженер, Ӱштымбал.

16 апрель - Кугече

Толын шуын

Кугече -

Эн кугу пайрем. Чеве муным чиялтен, Икте-весым саламлен, Таза илыш ден илаш Тыланена ме ваш-ваш. **Алёна ВАСИЛЬЕВА.** Морко, Эгерсола.

Мӧнгӧ гыч школ марте мый, Эчук, 10 минут ошкылам. А Пампалче дене пырля каем гын, мыланна школыш миен шуаш мыняр жап кӱлеш?



Пале мутлаште могай чот мут-влак шылыныт?

Икгай, кудыр, кумда, лушкыдо, шыма, вичкыж.


Евгения ВАСИЛЬЕВА, 4-ше класс.
Волжский, Сотнур.



Кидмастар

Кугече пайрем вашеш йочасадыштына «Кугечын юзо вийже» конкурс лие. Йоча-влак ача-авашт дене пырля тӱрлӧ арверым ыштеныт. Кажныжын пашаже чапле, куандарыше да шкешотан.

И.НИКИТИНА.
Медведево, Ӱ Арбан.



Индекс: Марий Элыште - 78574, вес кундемлаште - 52713. Тираж 1300 экз. Заказ 724. Формат - А-4-8. Директор-тӱн редактор **Л.В.СЕМЕНОВА.**

E-mail: yamde_lji@mari-el.ru, yamde_lji@mail.ru
Сайтын адресше: yamde-lji.ru, Тел. 45-25-49(факс); 45-22-82.

УЧРЕДИТЕЛЬ-ВЛАК:
Марий Эл Республик-се культур, печать да национальность паша шотышто министерстве, «Ямде лий» газет" кугужаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерше Федеральнй службыв Приволжский федеральный округысо управленийыштыже регистрироватыме. Номер - ПИ №ФС 18-1999, 2005 ий 10 февральыште пуымо.

Печатыш пуымо жап - 14-00, фактически - 13-00. Ак - кутырен келшыме почеш.

Авторын да редакцийын шоньмашыш тӱрлӧ лийын кертыт. Серыш-влак мӧнгеш огыт колталт.

0+

Газетым редакцийыште погымо да верстатыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.